

KANTONALNI SUD U ZENICI
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA
OPĆINSKI SUD U ZENICI
REGIONALNA ADVOKATSKA KOMORA ZENICA

Na osnovu člana 31. Zakona o sudovima Federacije Bosne i Hercegovine¹, na osnovu člana 6. Zakona o Kantonalnom tužilaštvu Zeničko-dobojskog kantona², u cilju ostvarenja efikasnosti u radu i unapređenja rada krivičnih odjeljenja sudova i upravljanja krivičnim postupcima, uz jačanje procesne discipline i autoriteta suda, uz maksimalno očuvanje nezavisnosti u radu, Kantonalni sud u Zenici; Kantonalno tužilaštvo Zeničko-dobojskog kantona, Općinski sud u Zenici i Regionalna advokatska/odvjetnička komora Zenica, zaključuju slijedeći

MEMORANDUM O RAZUMIJEVANJU

Član 1.

Svrha Memoranduma jeste određivanje okvira efikasne i profesionalne saradnje strana potpisnica u područjima zakonom određene nadležnosti u krivičnim postupcima, s ciljem unapređenja efikasnog postupanje u krivičnim predmetima, uz maksimalno očuvanje nezavisnosti i nepristrasnosti u radu institucija potpisnica memoranduma, ne ograničavajući pri tome profesionalnu saradnju sa drugim učesnicima u sudskim postupcima.

Član 2.

Strane su saglasne da se međuinstitucionalna saradnja odvija na slijedeći način :

- održavanjem sastanaka Strana potpisnica minimalno dva puta godišnje sa decidno utvrđenim dnevnim redom u vezi osiguranja efikasnog i ekonomičnog postupanja, a nakon delegiranja pitanja sudija krivičnih odjeljenja i tužilaca Kantonalnog tužilaštva Ze-do kantona; uz učešće i aktivnu podršku Visokog sudskog i tužilačkog vijeća Bosne i Hercegovine; s ciljem unapređenja rada krivičnih odjeljenja sudova i konačnomu jačanja povjerenja javnosti u rad pravosuđa;
- omogućavanja korištenja velike sudnice Općinskog suda u Zenici Kantonalnom suda u Zenici radi održavanja pretresa u krivičnim predmetima sa većim brojem optuženih (preko 10 optuženih), uz prethodnu pismenu najavu, a nakon dobijanja saglasnosti vlasnika zgrade Zeničko-dobojskog kantona, po potrebi;
- najavljivanje sudovima namjere za postupanjem u većem broju predmeta ili blagovremeno obavještanje sudova u slučaju pokretanja postupaka protiv više optuženih lica;
- nastavak sa praksom održavanja statusne konferencije u svim kompleksnijim predmetima (pri čemu se kompleksnost ogleda u pravnim i činjeničnim pitanjima, broju optuženih, broju predloženih dokaza, kako

¹ " Službene novine F BiH ", broj 38/2005, 22/2006, 63/2010, 72/2010, 7/2013, 52/2014

² " Službene novine Zeničko-dobojskog kantona ", broj 5/03, 11/07

subjektivnih tako i objektivnih i sl.) te s tim u vezi sačinjavanje kontrolne liste pitanja o kojima se raspravlja na statusnoj konferenciji (dinamika provođenja dokaza, vrijeme potrebno za saslušanje svjedoka, vještaka i provođenje materijalnih dokaza, termini ročišta, nesporna pitanja i provođenje dokaza u odnosu na nesporna pitanja, izuzeće i dr);

- nastavljanje sa praksom audio snimanja glavnih pretresa u svim predmetima;
- ulaganje napora za ujednačavanje sudske prakse po svim spornim pitanjima, uključujući i predmete u Kpp fazi i tekstove naredbi;
- povećanje efikasnosti rada sudova i Tužiteljstva kroz usklađivanje zakazivanja termina za ročišta od strane postupajućih sudija;
- osiguranje prostorije za tužioce i advokate, kad se za to steknu uslovi;
- organizacija rada krivičnih odjeljenja na način da se pretresi zakazuju planski, održavajući kontinuitet u postupanje bez izuzetka, s ciljem efikasnog i ekonomičnog postupanje,
- donošenjem i dosljednom primjenom Smjernica za postupanje u krivičnom postupku koje su upućujućeg karaktera a s ciljem jačanja procesne discipline, efikasnijeg i ekonomičnijeg postupanje.

Potpisnici Memoranduma su saglasni da se najkasnije u roku od 6 mjeseci od dana potpisivanja ovog memoranduma poduzmu neophodne aktivnosti u cilju proširenja strana potpisnika memoranduma i njegovog zaključenja, prevashodno uključanjem sudova općinskog nivoa sa područja Zeničko-dobojskog kantona i Kantonalnog Zavoda za besplatnu pravnu pomoć, kada će se, po potrebi, proširiti postojeći načini saradnje potpisnika Memoranduma iz člana 2. ovog Memoranduma.

Član 3.

Potpisnici memoranduma su saglasni da će nastaviti poštivati procesnu disciplinu propisanu pozitivnim zakonodavstvom iz krivične oblasti, s ciljem jačanja povjerenja javnosti u rad pravosuđa, ostvarivanja ljudskih prava i građanskih sloboda koje garantuje Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih osoba utvrđenih zakonom, te osiguranja ustavnosti i zakonitosti.

Član 4.

Sva strana potpisnica je odgovorna za vlastite postupke i propuste u vezi sa ovim Memorandumom i njegovom implementacijom.

Član 5.

Potpisnici Memoranduma, koji se zaključuje na neodređeno vrijeme, su saglasni da će se odnos saradnje i dalje razvijati te se obavezuju na kontinuirano djelovanje u tom pravcu.

Izmjene i dopune memoranduma se vrše isključivo na osnovu zajedničkog sporazuma između strana.

Potpisnici Memoranduma su u obavezi pratiti realizaciju međuinstitucionalne saradnje određene memorandumom i postupanja u skladu sa izrađenim alatima-Kontrolnim listama i Smjernicama za postupanje u krivičnom postupku sudova Zeničko-dobojskog kantona, kontinuirano, na način što će :

-predsjednici krivičnih odjeljenja sudova i zamjenici glavnog tužitelja/šefovi odjela/šefovi odsjeka pratiti i analizirati efikasnost rada sudija krivičnih odjeljenja, odnosno tužitelja, na svakoj sjednici sudskih/tužilačkih odjeljenja koje će se održavati najmanje jednom u tri mjeseca, o tome sačiniti pismene izvještaje i obavještavati kontinuirano rukovodioce institucija potpisnika,

-rukovodioci pravosudnih institucija Potpisnica će o primjeni i rezultatima korištenja izrađenih alata za unapređenje rada krivičnih odjeljenja i efikasnosti krivičnog postupka izvještavati Visoko sudsko i tužilačko vijeće Bosne i Hercegovine dva puta godišnje (do 30.06. i 31.12. tekuće/izvještajne godine).

Nakon analize izvještaja o primjeni i rezultatima korištenja izrađenih alata za unapređenje rada krivičnih odjeljenja i efikasnosti krivičnog postupka, svaka Potpisnica će, po potrebi, poduzeti dodatne mjere u cilju dosljednog postupanja na način kako je određeno članom 2. ovog memoranduma.


Član 6.

Memorandum se potpisuje u tri primjerka, od kojih se svaki smatra originalom i svaki za sebe se smatra jednim cjelovitim dokumentom.


Memorandum stupa na snagu danom potpisivanja istog od strane potpisnica memoranduma.

U potvrdu navedenom, ovlašteni predstavnici strana stavljaju vlastoručni potpis.

Kantonalni sud u Zenici
Broj: 004-0-Sudp-23-000700



Predsjednica suda
Snježana Čolaković



Kantonalno tužilaštvo

Zeničko-dobojskog kantona
Broj: 01-2-363/23

Glavna tužiteljica
Vesna Kaknjo

Općinski sud u Zenici
Broj: 43 0 & 224020 23 &




Predsjednica suda
Dženana Brković, MA iur.



Regionalna advokatska komora

Zenica Br. 444/23



Predsjednica komore
Mirkica Marjanović-Suljić

ZENICA, 23.05.2023.g